

續
文
獻
通
考

續文獻通考卷之一百三十五

皇明進士雲間王圻纂輯

謚法考 古帝王謚至周同姓列國謚上

古帝王謚

黃帝有熊氏姬姓名軒轅又云居軒轅之丘故號軒轅氏
或曰謚黃

杜佑云黃者中和美色帝承天德最盛淳美故以尊色
爲謚又按白虎通云先黃後帝者古者尚質生死同稱
將各行合而言之美者在上黃帝始制法度得道之
萬代不易後代德與天同亦得稱帝不能制作故不得
復稱黃也

顓頊高陽氏姬姓皇帝孫昌意子代少昊為帝或云謚顓

頊

杜佑曰按五經通義云顓猶專頊猶愉幼小而王以致

太平常自愉愉謙約自小之意故兩字為謚

帝堯陶唐氏伊祁姓名放勳或曰謚堯

帝舜有虞氏姚姓名重華或曰謚舜

杜佑曰帝堯帝舜先號後謚也帝者德盛與天同號謚

雖美終不過天也故如其次道之

夏王禹妘姓名文命或曰謚禹

裴駟曰按謚法受禪成功曰禹又曰淵源流通

羅泌曰夷益稷契皆名也而夷稷獨以官稱虞伯后稷

司徒皆官也而契伯益何獨以名著耶古之人要不爲是拘也予述路史旣推堯舜禹爲名矣而或以爲諡殊不知諡不出于古書傳雖云諡出黃帝然實出于周公何以言之予觀夏商帝王皆非諡法知之也死諡周道也古者生無爵死無諡故始皇之制曰朕聞上古有號無諡中古有號死而以行爲諡是以秦秀謂昔周公弔二季之陵遲哀大道之不行于是作諡以紀其終而穀梁亦曰武王崩周公制諡法世有諡法輒悉文致堯舜禹湯桀紂之類而彝入之蓋始于白虎群儒斯最荒唐者也夫堯舜禹之爲名本自彰也堯曰咨汝舜舜曰咨汝禹汝棄汝契是皆名也若以爲諡則契稷禹益夔龍

一皆爲謚而後可有鯀在下曰虞舜豈鯀而在下已有謚乎

桀名履癸或云謚桀

裴駟曰按謚賊人多殺曰桀索隱曰桀名也

商成湯姓子名履又名天乙或曰謚成湯

杜佑曰質家兩言爲謚成湯是也文家一言爲謚文武是也號無質文謚有質文 註云號者始也質以爲本故不可變周公以後尤文以爲本生習善事死有善謚故合言文王武王又馬融曰雲行雨施曰湯

祖甲亦曰太甲或云謚

杜佑曰以名配者德薄因名配謚祖甲是也質家不連

號謚文家連號 註云生則爲號死則言謚故不連號
成湯是也欲但言謚不忍死之欲但言號又是實死故
以號謚文王武王是也

紂名辛一名受或曰謚紂

杜佑曰桀紂先號後謚者別誅絕也

皇明卽曉曰謚法言起於周公恐前此已有之但至周
公叙謚法增廣之耳堯曰神宗堯之先又有文祖藝祖
湯曰成湯又曰武湯曰烈祖曰高后曰高祖曰神后曰
武王守成之王太戊口中宗武丁曰高宗由是觀之謚
與廟號周公前固有之

商臣謚

伯夷孤竹君之長子姓墨氏一云墨台氏索隱曰名元字

公信謚夷作一元至順二年追封昭義清惠公

叔齊孤竹君之次子索隱曰名致字公達謚齊作一元

至順二年追封崇讓仁惠公

周王及后謚

王昌姬姓裔出帝嚳在商為西伯武王即位追謚為文

王發文王子謚武 王誦武王子謚成

王釗成王子謚康 王瑕康王子謚昭

杜佑曰文王武王先謚後號 註云王者德薄傳位與

子賢不肖同稱王號者所共謚者所專故上謚下號上

其美者

王滿昭王子謚穆

王緊扈穆王子謚共

王薨共王子謚懿

王辟方共王弟謚孝

王燮孝王子謚夷

王胡夷王子謚厲

王靖厲王子謚宣

王湮宣王子謚幽

王空白幽王子謚平

王林平王子謚桓

王佗桓王子謚莊

王胡齊莊王子謚釐

王闕釐王子謚惠

王鄭惠王子謚襄

王王臣襄王子謚頃

王班頃王子謚匡

王瑜匡王弟謚定

王夷定王子謚簡

王泄心簡王子謚靈

王生而有髭且神故謚爲靈民祀其家不絕

王貴靈王子謚景

王猛景王子謚悼

王句景王子謚敬

王仁敬王子謚元 一名赤

王介元王子謚貞定

王去疾貞定王子謚哀

王叔襲哀王弟弒兄自立謚思

王嵬貞定王子弒思王自立謚考

王午考王子謚威烈

王驕威烈王子謚安

王善安王子謚烈

王扁安王次于謚顯

王定顯王子謚慎靚

王延慎靚王子謚赧

赧西周時
中世多謂

考赧二謚周謚法無皇甫謚云以微弱慚媿故號赧

幽王次子伯服謚攜

按羅泌路史謂天子之元子士也士無諡故太子無諡然幽王次子則諡構矣他如東周之共太子陳之悼太子之類又不止一人則泌所謂太子無諡殆未之考耳周時王后皆從王諡詩云亦右文母可見然景王后獨諡穆

周親王諡

河南公名揭貞定王子考王所封諡桓公

桓公子諡威公 失名

威公子祭諡惠公 是時與赧王東西分治

惠公長子西周公諡武公 失名戰國策作東周武公

武公長子諡共太子 失名索隱又云武公太子文公

惠公少子東周公名聿諡惠公 父子同諡恐訛

周卿士諡

王子虎諡文爲王叔文公 虎名叔族

虎之子諡桓爲王叔桓公

失名

周公黑肩諡桓爲周桓公 即周公旦之次子留相王室

代爲周公國在畿內公爵

召虎康公九世孫宣王時平淮南之夷諡穆公 即召公

奭之次子留相王室代爲召公國在畿內伯爵至虎有

諡

劉夏諡定爲劉定公 劉采地

定公子劉擘諡獻爲劉獻公

獻公子劉伯益諡文爲劉文公

單朝諡襄爲單襄公

襄公五世孫單旗諡穆爲單穆公

單伯與諡靖爲單靖公

尹圉諡文爲尹文公

甘過諡悼爲甘悼公

樊齊諡頃爲樊頃子

甘鱗諡平

太叔帶諡昭爲甘昭公 食采於甘

仲山甫諡穆爲樊穆仲 食采於樊

按諡與名皆可考者外有寧康公即從王游於涇有三

女奔焉者也榮夷公即厲王時芮伯所謂好利者也號
文公即諫王不籍千畝者也諸若詹桓伯甘簡公甘成
公甘景公甘桓公成肅公成簡公成桓公單獻公單頃
公單成公單武公單平公劉桓公劉康公尹武公原莊
公原襄公王叔簡公鞏簡公召武公召戴公召桓公召
莊公蘇成公左氏皆不著其名故無可考

周同姓列國君臣諡上

魯君及夫人諡

周公名旦索隱曰謚文見國語 唐武氏追封爲褒德王

宋真宗追封爲文憲王 愚按父子君臣同諡恐悞

旦子伯禽號魯公無諡

伯禽子西謚考公

百系本作就御本作道

西弟熙謚煬公

索隱曰熙一作怡

熙子宰謚幽公

索隱曰宰系本作圉

宰弟潰弑兄而立謚魏公

潰子擢謚厲公

索隱曰擢系本作翟

擢弟具謚獻

具子湣謚真公

索隱曰真系本作慎

湣弟敖謚武公

敖子戲謚懿公

戲兄伯御弑弟自立宣王討其罪而誅之故無謚

戲弟稱謚孝公

稱子不涅一云弗涅謚惠公

體室謚聲子

惠公元妃孟子無謚先惠公死不得從公謚也繼室謚
聲子聲謚于氏也

不湟于息姑謚隱公

息姑弟軌一名弋弒兒而立謚桓公 夫人謚文為文姜

軌子同謚莊公 夫人謚哀為哀姜妻謚成為成風

同子啓方一名開謚閔公 一云壽公

索隱曰系本名啓今作開避漢景帝諱

開弟申謚倂 夫人謚聲為聲姜

申子興謚文公 夫人謚哀為哀姜妃謚敬為敬嬴

索隱曰哀非謚以哭而過市魯人哀之故謂之哀姜

興子倭謚宣公 夫人謚穆為穆姜 史記作倭一作穆

接子黑肱謚成公 夫人謚齊爲齊姜 妾謚定爲定嬖

黑肱子午謚襄公 夫人謚缺 妾謚齊爲齊歸其姊謚

敬爲故歸

午子稠謚昭公 夫人謚缺 稠一作昭

春秋傳昭公薨季孫問於榮成伯曰吾欲爲君謚使子孫知之成伯曰生不能事死又惡之以自信也將焉用之乃止

周襄王謚定公 夫人謚定爲定嬖

宋子濟謚哀公 史記名將

蔣子寧謚悼公 寧子嘉謚元公

茄子衍一名顯謚穆公 顯子杏謚共公

魯子也一名毛謚康公 电子偃謚景公

偃子叔一云旅謚平公

旅子賈謚潞公 一作文 賈子雙謚頃公

自哀公而下夫人謚皆無考

按古者婦人俱從夫之謚然自桓文姜而下抑何於此
義戾也豈其行有不盡於夫之謚乎非止魯也觀周景
后之爲虜則周固已付謚矣又匹敵有戒至妃娣而皆
加之謚如成風敬嬴之類抑又何說也豈所謂毋以子
貴者耶

魯諸臣謚

公子邾謚僖爲臧僖伯 邾孝公子

僖伯子臧孫連謚哀爲臧哀伯

哀伯孫臧孫辰謚文爲臧文仲

文仲子臧孫許謚宣爲臧宣叔

宣叔子臧孫紇謚武爲臧武仲

慶父謚共爲共仲

慶父子公孫敖謚穆爲穆伯

敖子公孫穀謚文爲文伯

穀子仲孫蔑謚獻爲孟獻子

蔑子仲孫速謚莊爲孟莊子

速子孟孫羯謚孝爲孟孝伯

蔑孫子服椒謚惠爲子服惠伯

椒子子服回謚昭爲子服昭伯

回子子服何謚景爲子服景伯

叔牙孫叔仲彭生謚惠爲叔仲惠伯 爲襄仲所殺

彭生子叔仲帶謚昭爲叔仲昭伯

帶子叔仲小謚穆爲叔仲穆子

叔牙弟季友謚成爲成季 友莊公同母弟

季友子季孫行父謚文爲季文子

行父子季孫宿謚武爲季武子

宿庶子季孫紇謚悼爲季悼子

紇子季孫意如謚平爲季平子

意如子季孫斯謚桓爲季桓子

斯子季孫肥謚康爲季康子

仲孫捷謚敬爲孟敬子

仲孫矍謚僖爲孟僖子

矍子仲叔何忌謚懿爲孟懿子

何忌子仲孫覿謚武爲孟武伯

覿子南宮适謚敬爲南宮敬叔

叔孫得臣謚莊爲叔孫莊叔

得臣子僑如謚宣爲叔孫宣伯

僑如弟叔孫豹謚穆爲穆叔

豹庶子叔孫婁謚昭爲叔孫昭子

婁子叔孫不敢謚成爲叔孫成子

不敢子叔孫州仇謚武爲叔孫武叔

州仇子叔孫舒謚文爲叔孫文子

公子遂謚襄爲東門襄仲 遂莊公之子

施叔謚孝爲施孝叔

失名

公孫嬰齊謚聲爲子叔聲伯

嬰齊孫叔弓謚敬爲敬子

展喜謚莊爲展莊叔

榮駕鴉謚成爲榮成伯

子家羈謚懿爲子家懿伯

一作子家駒

莊公之玄孫

公父歆謚文爲公父文伯

歆季桓子從父昆弟

公子展謚勇伯

叔孤今謚昭爲叔孫昭伯

野洩謚聲爲野聲子

臧孫賜謚昭爲臧昭伯 賜臧爲之子

邠惡孝公之後稱厚氏謚昭爲邠昭伯

厚齊謚成爲厚成叔

季昭子

失名

衛君及夫人世子謚

康叔名封武王同母少弟 按會編食采於康故曰康叔

非謚也

康叔子牟謚康

索隱曰系本康伯名見宋忠曰即王孫牟也譙周史考

無康伯而去子牟伯立蓋以父子不克同諡故因其名

曰牟伯

牟子諡考伯

考伯子諡嗣伯

嗣伯子諡康伯

系本作韓伯

康伯子諡靖伯

靖伯子諡貞伯

貞伯子諡頃侯

頃侯賂周始命爲侯

頃侯子諡釐侯

釐侯少子和諡武公

和子楊諡莊公

夫人諡莊爲莊姜又娶於陳諡厲爲厲

媽其娣諡戠爲戠媽

楊子完諡桓公

完弟州吁弑兄自立無諡

完弟晉諡宣公

夫人諡宣爲宣姜即齊女配復而公取

之者也生公子壽及朔公之庶母謚夷爲夷姜即公所
烝也是生伋

晉子朔謚惠公

晉子黔牟無謚即伋之弟

朔子赤謚懿公

黔牟弟昭伯頑之子申謚戴公 頑烝於宣姜生申及燬

甲弟燬謚文公

燬子鄆謚成公

鄭子邀謚穆公

邀子臧謚定公 夫人謚定爲定姜妾謚敬爲敬妣

臧子衞謚獻公

所史記作行

獻公出奔衛人立其弟秋爲甯喜所殺謚殤公 班氏云

獻公弟姦左傳作剽

衍子惡諡襄公 夫人諡宣爲宣姜

惡庶子元諡靈公

左傳靈公柩出城外馬止不行就奠焉下有石柳銘曰
不逢其子靈公奪我里孔子曰靈公之爲靈久矣哉

元子蒯聵之子輒無諡號出公

按衛有孝公能以公養之禮待孔子而世家不載或者
以爲出公輒也然出公據國拒父豈得爲孝乎以輒爲
孝諡之不經甚矣

元子蒯聵爲己氏所殺諡莊公 襄公孫班師無諡

公子起無諡 服虔曰起靈公之子

元次子黔諡悼公

系本竹皮

黔子弗謚敬公

史本作敬公貴

弗子糾謚昭公

公子糾弒昭公代立謚懷公

弗之孫頹棼懷公代立謚慎公

頹父公子適適父即敬公

頹子訓謚聲公

音李原作馴象本作聲公馳

訓子邀貶號曰侯謚成侯

遷系本作不逆

邀子謚平侯

平侯子嗣君貶號曰君

案得曰樂啓機紀年以嗣君即

孝襄侯

嗣君子朝魏因殺之謚懷君

嗣君弟謚元君

班氏云元君有懷君之弟

元君子角秦廢為庶人無諡 衛亡

廢侯世子餘諡共伯其妻守義諡共姜

衛臣諡

宣公子頑諡昭為昭伯

成公弟叔武諡夷為夷叔

甯靜諡穆為甯穆仲

靜子速諡莊為甯莊子

速子俞諡武為甯武子

係良夫諡桓為孫桓子

孫林父諡文為孫文子

石稷諡成為石成子

買子買諡共爲石共子

買子惡諡悼爲石悼子

寤殖諡患爲寤患子

殖子喜諡悼爲寤悼子

北宮适諡懿爲北宮懿子

北宮适孫作諡文爲北宮文子

太叔儀諡文爲太叔文子

太叔疾之父諡懿爲太叔懿子

太叔疾諡悼爲太叔悼子

疾弟太叔遺諡僖爲太叔僖子

王孫賈子齊諡昭爲昭子

史狗謚文爲衛文子

孔達謚莊爲孔莊叔

孔達孫烝鉏謚成爲孔成子

孔烝祖曾孫圉謚文爲孔文子

公孫枝謚文爲公叔文子

檀弓云公孫枝卒其子成請於君曰日月有時將葬矣請所以易其名者衛君曰昔者衛國有饑夫子爲粥以食貧者可不謂惠乎衛國有難夫子以身衛寡人可不謂貞乎夫子修其班制以與鄰國交使衛之社稷不辱可不謂文乎故謂夫子貞惠文子

按公孫枝既謚貞惠文矣而單以文行者從其君謚之

而與論未之從與抑古人尚質雖三諡而止舉其一與
公孫彌牟諡文爲公孫文子

公叔發諡文爲公叔文子

公子要諡懿爲公叔懿子

褚師比父諡定爲褚師定子

夫名

褚師比諡聲爲褚師聲子

鄆盼諡武爲鄆武子

比宮喜諡貞爲比宮貞子

析朱鋤諡成爲析成子

左傳昭公二十年衛靈公因齊豹之亂出奔於外既復
國賜比宮喜諡曰貞子賜析朱鋤諡曰成子而以齊氏

之墓予之以北宮喜能滅齊豹而朱鉏能宵從賈出以從公也生謚始見此

石祁子

失名

孫莊子

失名

中行敬子

失名

鍼莊子

失名

孫昭子

失名疑即王孫齊

昭子

失名食采於戚

蔡君太子謚

蔡叔度武王弟以與管叔流言作亂無謚

叔度子蔡仲名胡

蔡仲子蔡伯名荒

蔡伯子宮侯

已上無謚

宮侯子謚馮侯

馮侯子謚武侯

武侯子謚夷侯

夷侯子所事謚釐侯

所事子興謚共侯

興子謚戴侯

戴侯子措父謚宣侯

措父子封人謚桓侯

封人弟獻舞謚哀侯

獻舞子盼謚穆侯史記作穆

盼子甲午謚莊侯

甲午子申謚文侯

申子同爲太子般所弑謚景侯

一云申子固

同子般楚靈王誘殺之謚靈侯

同少子廬謚平侯 系本曰平侯靈侯之孫太子友之子

廬子朱立出奔無謚 般孫東國謚悼侯

東國弟申謚昭侯 與文侯同名疑悞

申子朔謚成侯 或作景侯

系方屬通考卷之二
朔子產謚聲侯

產子謚元侯

元侯子齊無謚 齊出亡蔡滅

靈侯太子友謚隱為隱太子 友左傳作有

蔡臣謚可考者一人

歸生謚賢為聲子

曹君謚

振鐸武王弟無謚

振鐸子木伯脾

脾子仲君乎

平子宮伯侯 已上皆無謚

侯子雲謚孝伯

雲子喜謚夷伯

喜弟彊戴伯弒之謚幽伯

彊弟蘇弒幽伯立謚戴伯

名蘇

蘇子兒諡惠伯

一名雉

兒子武殺兄石甫自立諡繆公

武子終生諡桓公

一作終涅

終生射姑諡莊公

一名夕姑

射姑子羈立爲戎所逐無諡

射姑子庶子赤又名夷諡釐公

夷子壬諡昭公

班子襄諡共公

襄子壽諡文公

壽子廬諡宣公

史記各屬

廬弟負芻諡成公

負芻子勝諡武公

勝子須諡平公

一名頃

須子午朝于宋卒諡悼公

午弟野隱公弑之諡聲

一諡襄

須弟通爲露所弑諡隱公

野弟露諡靖公

按系本及春秋傳悼伯卒弟露立諡靖公實無隱公聲公

露子伯陽滅於宋無諡

晉君夫人世子諡

叔虞成王弟始封唐侯無諡

叔虞子燮都於晉爲晉侯無諡

燮子寧族諡武侯

寧族子服人諡成侯

服人子福諡厲侯

系本名輻

福子宜白諡靖侯

宜白子司徒諡僖侯

司徒子籍諡獻侯

系本及燕則皆作燕

籍子費生諡穆侯

費或作費或作弗

費生弟殤叔自立諡殤侯

費生子仇襲殤叔立諡文侯

仇子伯諡昭侯 伯爲臣濟父所弑

伯子平諡孝侯 平爲莊伯鱣所弑

平子邾號鄂侯 居於鄂故名 一云邾平之弟

邾子光諡哀侯 光爲曲沃武公所弑

光子爲小子侯武公弑之無諡

光弟緡爲晉侯武公弑之無諡 昭侯至此絕嗣

昭侯叔父成師始封曲沃諡桓叔

成師子鱣諡莊伯

鱣子稱始爲晉侯諡武公

稱子詭諸謚獻公

詭諸子夷吾謚惠公

夷吾子圉謚懷公 初公質於秦以女妻之是爲懷嬴夷

吾逢秦復以妻文公生公子藥又曰辰嬴辰一作諡

詭諸子重耳謚文公 納秦穆公之女是爲文嬴

重耳子驪謚襄公 夫人諡穆爲穆嬴

驪子夷臯趙穿弑之諡靈公

驪弟黑臀謚成公 黑臀子儒一名據諡景公

據子州蒲一名壽曼樂書中行偃使人弑之諡厲公

驪曾孫周諡悼公 一云驪孫

周子彪謚平公 彪子夷諡昭公

夷子去疾諡頃公 一云

去疾子午諡定公

午子鑿又名錯爲出公無諡

夷會孫驕諡哀公

驕子抑爲盜所弑諡幽公

史記名柳

抑子止諡烈公 年表云魏誅幽公立其弟止

止子頎諡孝公

頎子俱酒諡靜公

系本名俱

是時三家分地晉亡

獻公世子申生諡共太子 襄公少子捷諡桓公

捷子談諡惠伯

昭公少子雍諡戴子

系本作桓子

晉臣諡

趙成子父諡共爲共孟

失名

趙衰謚成爲趙成子

衰子盾謚宣爲趙宣子

盾子朔謚莊爲趙莊子

朔子武謚文爲趙文子

武子成謚景爲趙景子

成子鞅謚簡爲趙簡子

鞅子無恤謚襄爲趙襄子

襄子兄伯魯之子周封爲代

成石成疑謚

趙浣謚獻爲趙獻子

即代成君子襄子立爲太子

無恤弟嘉謚桓爲趙桓子

系本作無恤子

樂恢謚貞爲樂貞子

樂書謚武爲樂武子

書子樂壓謚桓爲樂桓子

樂子樂盈謚懷爲樂懷子

樂成之謚共爲樂共叔

卻缺謚成爲卻成子

卻克謚獻爲卻獻子

卻犇從父兄弟

卻擘諡成爲苦成叔

叔承

荀林父諡桓爲中行桓子

林父子庚諡宣爲宣伯

林父孫偃諡獻爲中行獻子

偃子吳諡穆爲中行穆子

吳子寅諡文爲中行文子

林父弟首諡莊爲智莊子

首子智瑩諡武爲智武子

瑩子盈諡悼爲智悼子

盈子蹠諡文爲中行文伯

蹠子瑤諡襄爲智襄子

隨會諡武爲隨武子 會食采于范因爲范氏

會子士燮諡文爲范文子 燮子士匄諡宣爲范宣子

士匄子士鞅諡獻爲范獻子

士鞅子吉射諡昭爲范昭子

宣子之孫士匄諡文爲士文伯 與祖名同恐史誤

士文伯子彌牟諡景爲士景伯

鞏朔諡莊爲士莊伯 未詳其世

士渥濁諡貞爲士貞子 渥濁子士弱諡莊爲士莊子

韓侯裔孫萬事晉諡武爲韓武子

韓萬孫簡諡定爲定伯 簡子與諡武爲韓武子

簡孫厥諡獻爲韓獻子 厥子無忌諡穆爲公族穆子

厥子起諡宣爲韓宣子

起子諡貞爲韓貞子 失名

索隱曰系本作平子各煩又云景子

貞子之子不佞諡簡爲韓簡子 不佞左傳作不信

不佞子諡莊爲韓莊子

徐廣曰史記無簡子莊子而云貞子生康子 索隱曰
按系本有簡子名不信莊子名庚趙世家則有簡子名
不佞

莊子之子虎謚康爲韓康子

虎子啓章謚武爲韓武子

續翔居謚簡爲續簡伯

士魴謚共爲邕共子

魏頡謚文爲令狐文子

畢萬子魏犇謚武爲魏武子

犇之子謚悼爲魏悼子

失名

索隱曰系本云武仲生莊子絳無悼子

悼子之子絳謚莊爲魏莊子

史記云謚昭

絳子魏舒謚獻爲魏獻子

絳子史記作魏獻之子

索隱曰系本云獻子名茶莊子之子無魏嬴

舒子魏侈謚簡爲魏簡子史記後無謚

索隱曰侈亦作哆系本獻子生簡子取取生襄子多左
傳曰魏曼多是也則侈是多之訛耳

侈子魏曼都謚襄爲魏襄子

侈孫魏駒謚桓爲魏桓子索隱曰系本襄子生桓子

擊之子魏錡謚武爲衛武子

錡子呂相謚宣爲呂宣子 樂王鮒謚桓爲樂桓子

智宣子史記

續文獻通考卷之一百三十五終

續文獻通考卷之一百三十六

皇明進士雲間王圻纂輯

謚法考 周同姓列國謚下至異姓列國謚

鄭君夫人謚

厲王少子友封于鄭為犬戎所殺謚桓公

友子掘突謚武公 夫人謚武妻

掘突子寤生謚莊公 夫人謚莊姜

寤生子忽為高渠彌所弑謚昭公

忽弟突謚厲公 與祖同名史誤

突弟子亶無謚 子亶為高渠彌所立齊人殺之

忽弟子儀立為傅 所殺無謚

突子捷謚文公

捷一作賧

捷子蘭謚繆公

蘭子夷爲歸生所弑謚靈公

夷庶弟堅謚襄公

年表作靈公庶兄

堅子費謚悼公

史記作濟又作弗又作沸

費弟踰謚成公

踰子憚又名髡頑子駟弑之謚僖公

憚子嘉謚簡公

嘉子寧謚定公

寧子蕞謚獻公

蕞子勝謚聲公

勝子易謚哀公

勝弟丑謚共公

丑子巳謚幽公

左傳鄭子家卒鄭人討幽公之亂斲子家之棺而逐其

族段葬幽公謚之曰靈

按史記幽公元年韓武子伐鄭殺幽公是幽公見殺也
武子非被弑於子家也且幽公亦不聞改謚此直謂靈
公左氏適誤耳

已弟駘號縞公

縞或作縞

駘弟乙謚康公史記作鄭君無謚

鄭臣謚可考者六人

公孫舍之謚桓

公子發即子產父謚惠

國參字子思子產子謚桓

公父定叔叔段之孫謚定失名

皇武子失名 疑即武子賸

共仲 失名

燕君謚

召公奭謚康公

子封比燕伯

康公九世孫謚惠侯

惠侯子謚釐侯

釐侯子謚頃侯

頃侯子謚哀侯

哀侯子鄭侯

索隱曰謚法無鄭鄭是名也

鄭侯子謚繆侯

繆侯子謚宣侯

宣侯子謚桓侯

桓侯子謚莊公

莊公子謚襄公

襄公子謚桓公

譙周曰系家襄伯生宣公宣公無桓公

桓公子謚宣公

宣公子謚昭公

昭公子謚武公

武公子謚文公

文公子謚懿公

懿公子謚惠公

惠公子謚悼公

悼公子謚共公

共公子謚平公

平公子欸謚簡公

簡公子謚獻公始入春秋

索隱曰王邵按紀年簡公後次孝公無獻公

獻公子謚孝公

孝公子載謚成公

成公子謚閔公史記作湣公

閔公子謚釐年表作釐侯蒞徐廣曰一無莊字

釐侯子謚桓公

桓公子謚文公

徐廣曰古史考世家自宣侯以下不說其屬以其難明也今依天運紹統所載世次以備考

文公子偕稱王謚易王

易王子噲無謚

噲子平謚昭王

昭王子謚惠王

惠王子謚武成王

武成王子謚孝王

孝王子喜爲太子丹事滅於秦無謚

按左傳燕有南北南燕詰姓北燕即召公之所封也如昭三年書北燕伯欵出奔齊莊二十年書執燕仲父注云即南燕伯而史記乃共一世家豈司馬氏別有據歟又左傳有召莊公與之子簡公盈與北燕簡公疑而世家獨有一簡公豈即左傳所謂北燕伯與又有召穆公

虎即江漢之詩所稱平淮南之夷者也而世家亦無之
第有繆侯豈穆即繆歟錄以族考古者

韓君謚 韓之先與周同姓苗裔韓武子事晉世爲
晉卿九世孫虔始分晉列於諸侯

韓侯虔謚景侯

虔子取謚烈侯烈系本作武史記作列

烈侯子謚文侯

文侯子爲韓嚴所試謚哀侯

哀侯子若山謚懿侯索隱曰年表作莊侯

懿侯子謚昭侯 又作鄭釐侯索隱曰紀年魏武侯二十

三年晉桓公邑哀侯於鄭是韓旣徙都因改號曰鄭故

戰國策謂韓惠王爲鄭惠王

昭侯子僭稱王謚宣惠王

索隱曰紀年鄭昭侯武薨次威侯立此系家即以爲宣惠王則韓微國小史失世代耳

按史記昭侯十年韓姬弒其君悼公不知悼公何君

宣惠王子倉謚襄王

倉子咎謚釐王

釐王子謚桓惠王

桓惠王子安滅於秦無謚

魏君謚

魏之先畢公高之後與周同姓苗裔畢萬

事獻公世爲晉卿至十世孫斯始分晉列於諸侯

魏侯斯謚文侯

斯史記作柳

系本桓子生文侯斯

斯子擊謚武侯

擊子瑩僭稱王謚惠王

紀年作惠成王按紀年起自黃帝終於殷之今王今王者魏惠成王

子太史公但言惠王
從此則紀年或不誤

登子赫謚襄王

赫系本作嗣

赫子謚哀王

索隱曰系本襄王生昭王而無哀王蓋脫一代耳

哀王子謚昭王

索隱曰系本名邀

昭王子謚安釐王

索隱曰系本名圍

安釐王子增謚景閔王

景閔王子假滅於秦無謚

滕若謚

滕侯嬰齊文王子叔繡之後謚宣公

嬰齊子毛謚昭公

毛子繡謚文公

繡子原謚成公

原子寧一名道謚悼公

道子結謚頃公

虞母謚隱公

定公 失名

定公子謚文公 失名

三百六十一

中山公謚

中山古鮮虞國姬姓謚武 失名

徐廣曰中山公西周桓公子桓公者考王弟而貞定王
子也

周異姓列國君臣謚

齊君夫人謚

太公姓姜從其封姓故曰呂尚始封於齊無謚 唐肅宗

乾元三年封爲武成王宋真宗太中祥符元年封爲昭

烈武成王 譙周曰名牙一作字名尚

太公子伋謚丁公 徐廣曰伋一作及

丁公子乙公得

乙公子癸公慈母 二公無謚

按太公子丁公丁公子乙公乙公子癸公蓋猶用殷法以生日名子謚法乃後人依託遂以述義不克曰丁耳不然何故無乙癸之謚法乎乃知丁乙癸皆非謚也

癸公子不辰謚哀公

系本作不臣爲周夷王所烹

不辰弟靖謚胡公

不辰弟山弑胡公立謚獻公

山子壽謚武公

壽子無忌國人弑之謚厲公

無忌子赤謚文公

赤子說謚成公 說史記作脫

說子購謚莊公

購子祿父謚釐公

祿父子諸兒謚襄公

祿父弟之子無知弑君無謚

諸兄弟小白謚桓公 夫人謚共爲共姬

小白子無詭被弑無謚

小白子昭謚孝公

小白子湍謚昭公

湍子舍謚殤公

小白子商人謚懿公

小白子元謚惠公

元子無野謚頃公

無野子環謚靈公 夫人謚聲爲聲孟子又娶於魯謚懿

爲懿姬其妃謚聲爲聲姬又納魯叔孫宜伯之女謚穆

爲穆孟姬

環子光崔杼弑之謚莊公 光弟杵臼謚景公

杵臼子荼號晏孺子

杵臼子陽生鮑牧弑之謚悼公

陽主子壬陳恒弒之謚簡公

年表云景公于

壬弟驚謚平公

驚子積謚宣公

積子貸謚康公

康公立二十六年卒呂氏祀絕

齊臣謚

田完謚敬爲陳敬仲

完孫湣謚莊爲孟莊子

湣子須無謚文爲陳文子

須無子無宇謚桓爲陳桓子

無宇子開謚武爲陳武子

無宇子田乞謚釐爲田釐子

乞子恒謚成爲陳成子

昭子莊簡子商宣子夷穆子安廩丘子意茲芒子盈惠

子德

七人俱成子兄弟

廩丘子音茲芒子盈系本

作廩丘子尚鑿茲子芒盈

續文獻通考

卷之三百三十六

恒子田盤謚襄爲田襄子

徐廣曰盤一作暨系本作班

盤子田白謚莊爲田莊子

索隱曰系本名伯

白子謚悼爲田悼子

失名

此後代齊有國爲田齊

管仲謚敬爲敬仲

國歸父謚莊爲國莊子

國佐謚武爲國武子

佐孫弱謚景爲國景子

國夏謚惠爲國惠子

晏弱謚桓爲晏桓子

弱子嬰謚平爲晏平仲

鮑叔牙曾孫牽謚莊爲鮑莊子

鮑牽弟國謚文爲鮑文子

高僕謚敬爲高敬仲

高張謚昭爲高昭子

高固謚宣爲高宣子

樂桓子

失名

崔杼謚武爲崔武子

析歸父謚文爲析文子

杞君謚

東樓公妣姓禹之後周武王始封

索隱曰東樓公謚號也

東樓公子西樓公

西樓公子題公

題公子謀娶公已上俱無謚

謀娶公子謚武公

武公子謚靖公

靖公子謚共公

共公子謚德公

徐廣曰系本作惠公

德公子謚成公

德公弟姑容謚桓公

系本作成公弟

姑容子句謚孝公

句弟益姑謚文公

益姑弟郁釐謚平公郁釐二作鬱來

郁釐子成謚悼公

成子乞謚隱公

乞弟遂弑兄自立謚釐公

遂子維謚湣公

維弟闕路謚哀公

譙周云謚號

維子敕號出公

敕一作憲

敕子春謚簡公

宋君謚

微子開一名啓子姓周武王始封以奉商祀無謚

元至

元六年封仁靖公

啓弟微仲衍無謚

宋公稽無謚

稽子申謚丁公

申子共謚湣公

共弟熙爲鮒祀所弑謚煬公

熙弟鮒祀弑兄自立謚厲公

徐廣曰鮒一作鮒

鮒祀子舉謚僖公

舉子颯謚惠公

颯子謚哀公人名

哀公子謚戴公失名

戴公子司空謚武公

司空子力謚宣公

力弟和謚穆公

力子與夷華督弑之謚殤公

和子馮謚莊公

馮子捷南宮萬弑之謚閔公

新君游遇弑無謚

捷弟御說謚桓公

御說子茲甫謚襄公

茲甫子王臣謚成公

王臣子杵臼衛伯弑之謚昭公

一云襄公子

杵臼弟鮑革謚文公

鮑革子瑕謚共公一名固

瑕子成謚平公

成子佐謚元公

佐子樂又名頭曼謚景公

佐曾孫特弒景公太子自立謚昭公

特一作得

特子購由謚悼公

購由于田謚休公

田子辟兵號辟公

紀年作桓侯壁夫則辟公謚桓矣

辟兵子剔成弟偃弒之無謚

剔成弟偃僭稱王立四十七年而宋亡

索隱曰戰國策呂氏春秋皆以偃謚康王

宋夫人謚之可考者惟共公夫人爲共姬襄公夫人爲

襄夫人元公夫人曹氏謚景餘無考

陳君及太子謚

陳侯滿媯姓周武王始封謚胡

滿子犀謚申公

犀弟臯羊謚相公

犀子突謚孝公

突子圉戎謚慎公

圉戊子寧謚幽公

寧子孝謚僖公

孝子靈謚武公

靈子說謚夷公

說弟燮謚平公

燮子圉謚文公

圉長子鮑謚桓公

鮑弟佗謚厲公

鮑子躍謚利公

按索隱曰左傳桓公五年文公子佗殺桓公太子免而代立經六年蔡人殺陳陀立桓公子躍爲厲公佗立未踰年故無謚史記以陀爲厲公遂以躍爲利公是太史公誤耳而譙周乃以厲公爲桓公弟又誤也

躍弟林謚莊公

林弟杵臼謚宣公

杵臼子欵謚穆公

欵子朔謚共公

朔子平國爲夏徵舒所弑謚靈公

平國子午謚成公

午子弱一名溺謚哀公

弱孫吳謚惠公 卽悼太子之子

吳子柳謚懷公

柳子越謚閔公

哀公太子偃師謚悼

按左傳哀公元妃鄭姬生悼太子偃師則爲一人耳史記世家乃云哀公娶鄭長姬生悼太子師少姬生偃師則又爲二人矣史記當誤諸夫人謚無考

陳臣謚可考者三人

轅濤塗謚宣爲轅宣仲

公孫貞子謚貞失名

司城貞子 即孟子所謂主司城貞子是也以宋大夫而奔於陳者亦失名

許君謚

文叔姜姓四岳伯夷之後武王始封

德男

伯封

孝男

靖男

康男

武公

興父謚文公

興父弟謚莊公

鄭謚桓公

新臣謚穆公

十一 二百廿三

業謚僖公

業子錫我謚昭公

錫我子寧謚靈公

寧子買謚悼公

買子成謚元公

薛君謚 薛本任姓黃帝之後夏封奚仲于薛

薛侯穀謚獻公

穀子定謚襄公

定子夷謚惠公

成侯

邾君謚 邾顛頊之後周武王始封曹挾於邾至克

見春秋

邾子克謚莊公

克子瑣無謚

瑣子蓬陰謚文公

蓬陰子纓且謚定公

纓且子纓謚宣公

纓子華謚悼公

華子穿謚莊公

穿子益姑謚隱公

益姑子韋謚桓公一謚威公

邾後改爲鄒邾有穆公見孟子

邾臣謚可考者一人

茅夷鴻謚成爲茅成子

小邾君謚 即邾之別封故稱小終春秋有謚者僅

見一君

邾黎來謚穆公

莒君謚號 莒之先少昊之後周武王始封茲與期

於莒十一世至茲不公見春秋

紀公庶其

紀公子季陀曰厲公

渠丘公朱

犁比公密州

犁比號也又名員朱紐

著丘公去疾犁比公長子因展與弑父奔齊展與犁比公

次于弑父自立後以去疾返國奔吳

郊公狂著丘公子父死弗戚國人攻之奔齊

狂一作任

共公庚與著丘公弟國人患其虐逐之奔魯

萊君謚

齊東國鄰邑又謂之萊夷

萊子浮柔謚共公

右薛卿言萊春秋或書其謚或書其名或書其號號名非謚也今并載之以備各攷至夫人與大夫謚春秋益

畧之無可錄矣

趙君謚 趙之先與晉共祖苗裔叔帶始事晉文侯
建氏于晉國叔帶以下五世而生趙夙夙十二世
孫籍分晉始列于諸侯

趙侯籍趙獻子浣之子謚烈侯

烈侯弟謚武侯

烈侯子章謚敬侯

章子種謚成侯

成侯子言謚肅侯

系本肅侯名語

肅侯子僭稱王謚武靈王 納吳侯之女娃嬴是爲孟姚

孟姚有寵卒謚惠后

索隱曰武靈王名雍史記作定

按史記王嘗憂見處女鼓瑟而歌吳日王飲酒樂數言

所夢想見其狀吳廣聞之因夫人而納其女娃羸卽孟姚也孟姚甚有寵於王是爲惠后又曰惠文王惠后吳娃羸子也則惠后信爲孟姚矣乃索隱又謂武靈王之

后前太子章之母惠文王之嫡母惠后卒後吳娃始當正室至孝成二年稱惠文后卒是也則此惠后又非孟

姚並存之以備考

武靈王子何謚惠文王

何子丹謚孝成王

丹子偃謚悼襄王

偃子遷謚幽繆王

徐廣曰潛王世本云孝成王丹生悼襄王偃偃生今王遷年表及史考遷皆無謚索隱曰徐廣云王遷無謚今惟此獨稱幽繆王者蓋秦滅趙之後人臣竊追謚之

六史公或別有所見而記之也

遷子嘉爲代王滅於秦無謚

田齊君謚

齊侯田和莊子之子號太公

和子午謚桓公

午子因齊僭稱王謚威王

因齊子辟疆謚宣王

辟疆子地謚湣王一名遂

地子法章謚襄王

法章子建滅於秦無謚

威王少子田嬰謚靖郭君

嬰子田文謚孟嘗君

按索隱曰孟嘗襲父封薛號孟嘗君此云謚非也孟嘗

是邑名正義曰四君封邑檢皆不獲惟平原有地又非

趙境蓋並爲號而孟嘗諡也二說亦相牴牾今兩存之

楚君諡 楚自熊繹始封至十七世武王而有諡

熊通弑兄蚡冒之子代立諡武王

按史記楚武王三十五年楚伐隨謂隨請王室尊吾號王室不聽熊通怒曰我自尊耳乃自立爲武王則武是號非諡也

熊通子熊貲諡文王

熊貲子熊羆是爲杜敖無諡

熊羆弟熊惲爲太子商臣所弑諡成王

左氏作熊羆

左傳商臣以宮甲圍成王請食熊躡而死不聽丁未王

諡諡之曰靈不瞑曰成乃瞑

熊惲子商臣弑父代立諡穆王

商臣子侶謚莊王

侶一作族

侶子審謚共王

左傳共王疾告大夫曰不穀不德少主社稷生十年而喪先君未及習師保之教訓而膺受多福是以不德而亡師於鄆以辱社稷爲大夫憂其弘多矣若以大夫之靈獲保首領以歿於地惟是春秋窳窳之事所以從先君於禰廟者請爲靈若厲大夫擇焉莫對及五命乃許秋共王卒子囊謀謚大夫曰君有命矣子囊曰君命以共若之何毀也赫赫楚國而君臨之撫有蠻夷奄征南海以屬諸夏而知其過可不謂共乎請謚之共大夫從之

審子招謚康王

招子員是爲邾敖無謚

招弟圍謚靈王

一名虔餓死申亥之家

審子棄疾改名熊居謚平王

以詐弑靈王及新王自立

熊居子珍謚昭王

珍子章謚惠王

章子中謚簡王

中子當謚聲王

當子類謚悼王

類史記作疑

類子臧謚肅王

臧弟能良夫謚宣王

一云臧子

良夫子熊商謚威王

熊商子熊槐謚懷王

熊槐子橫謚頃襄王

橫子熊元謚考烈王

系本作完

熊元子悼謚幽王一云名惲

悼弟猶謚哀王猶一作赫

猶庶兄負芻殺猶自立滅於秦無謚

楚爲國君謚

鄧侯曼姓謚祁失名

唐侯姬姓謚成

唐侯謚惠 二君世次與名俱失

秦君謚 秦自栢翳始封歷非子秦侯公伯秦仲皆

無謚至莊公而始謚

秦仲子以伐西戎爲大夫謚莊公

莊公子以禦戎功封爲侯謚襄公

襄公子謚文公

文公孫謚寧公

寧公少子被弑號出子

寧公長子謚武公

武公弟謚德公

德公子謚宣公

宣公弟謚成公

成公弟任好謚穆公

夫人謚穆姬

穆史記作繆

穆姬晉女也在晉曰伯姬伯謂長女也在秦曰穆姬從夫之謚也嫁於小國則不從夫之謚如紀伯姬鄭伯姬潞伯姬是也次國亦不從夫子謚如文姜聲姜出姜齊姜齊歸是也其有叔姬者各據本國次序也

任好子瑩謚康公

瑩子和謚共公一名假

和子榮謚桓公史記無名

榮子后謚景公

史記無名系本云名后伯車

后子謚哀公

一作襄公始王本紀作暉公

哀公孫謚惠公

即哀公太子夷公之子

惠公子謚悼公

悼公子謚厲共公

厲共公子謚躁公

躁公弟被圍自殺謚懷公

懷公孫謚靈公

懷公子名悼子謚簡公

索隱曰簡公懷公子靈公季父如皇本紀云靈公生簡公誤也

簡公子謚惠公

紀年云簡公卒次敬公三十二年卒乃

立惠公

惠公子被殺號出子

靈公子師隰謚獻公

獻公子渠梁謚孝公

孝公子僭稱王謚惠文君名駟

惠文君子謚武王索隱曰名蕩

武王弟稷謚昭襄王一名別

昭襄王子柱謚孝文王 孝文王子楚謚莊襄王

莊襄王子政立爲始皇帝除謚法

文公太子謚靖公 懷公太子謚昭公

哀公太子謚夷公 昭襄王太子謚悼

陳王勝謚

陳王勝字涉陽城人秦二世元年起斬大澤中立爲將軍

已立王號張楚後其御莊賈殺以降秦葬於陽謚隱王

續文獻通考卷之一百三十六終